



Qanoq iliornikkut eqqumiitsuliortut amerlanerit namminersortuunerulersissinnaavagut pisortaniillu tapiissutinik qinnuteqartuararneq isumalluutaavallaarunnaartissinnaanera pillugu apeqquteqaat aallaavigalugu oqallisissiasatut siunnersuut.

(Inatsisartunut ilaasortaq Aqqalu C. Jerimiassen, Atassut)

Inuttut uummarissarneqarnissarpud, qiimmassarneqarnissarpud aliikkusersorneqarnissarpullu pisariaqartipparpud. Tassani eqqumiitsuliorneq kulturilu pingaaruteqartorujussuupput. Qalipakkamik kusanartumik qimerluuinissarpud pisariaqartipparpud imaluunniit kalaallit nipilersugaannut qitinnissatsinnut.

Maani nunatsinni, inuttussutsikkut nunaarannguugaluarluta eqqumiitsuliortoqarpugut pikkorissunik kulturikkullu suliniartunik pikkorissunik amerlasoorujussuarnik. Taakkunungali tamangajannut tunngatillugu imaappoq, eqqumiitsuliatik kisiisa inuussutigisinnaanagit. Annertuumik pissutaavoq, nunatsinni tunisiffissaq annikimmat, aammalu soorlu assersduutigalugu nipilersortartuugaanni pinngitsoorani nunatta avataani aamma nuannarineqartariaqarluni. Tassanilu unammillerneq sakkortoorujussuulluni.

Taamaattumik imaaliallaannaq aalajangersimasumillu akissutissaqanngilaq, qanoq ililluta maani nunatsinni eqqumiitsuliortut nammineernerulersissinnaanerigut pisortanit taperneqarnissamik isumalluusersunnginnerulersillugit.

Siunnersuuteqartup oqaatigaa, akileraarutitaqanngitsumik nipilersortartut nipilersortarfinni minnerusuni nipilersortarnissaat eqqarsaasersuutigisariaqartoq, taakkunanga isertitat annikereeqimmata. Demokraatit taakkunani ajornartorsiutit marluk takusinnaavaat.

Siullermik isumaqarpugut, akileraarnermi naligiinneq atuuttariaqartoq. Peqqinnartuuvoq, akileraarutitut akiliisarneq ataatsimoornermut akileeqataalluni. Isumaqarpugut, akileraarnermut proceni sapinngisaq tamaat appasissumiissasoq, isumaqatiginngilarpulli, inuiaqatigiinni eqimattanik aalajangersimasunik toqqaanissaq oqarluni, taakku eqimattat akileraarutitut akiliisassanngitsut.

Aappaattut, nipilersortartut, nipilersorfinni mikinerni nipilersornerminni siunnersuuteqartup eqqumiitsuliortut nammineernerulernissaannik kissaataa eqqortissanngimmassuk, tassami siunnersuuteqartup nammineq tunngavilersuutigimmagu isertitat annikittut, nipilersortartumut taassumalu ilaqutaanut inuussutigissallugit naammanngitsut.

Demokraatilli kissaatigaat, uagut qinikkat tungaanniit, eqqumiitsuliortut pisortaniit tapersornerulernissaannik nassaarniassasugut. Uagulli peqataaffigerusunngilarput, qinikkat tungaanniit eqqumiitsuliortunut aaqqiissutissanik aalajangeriikkanik aaqqiinissaq. Tamanut tunngatillugu uagut qinikkatut inatsisiliutatta, apersorlugillu peqataatinnissaannut pitsaanerulertariaqarpugut. Taamaattumik



immaqa eqqarsaatigisariaqarparput, qanoq pitsaanerpaamik eqqumiitsuliortut peqataatinnerusinnaanerigut aqqissuussamik pilersitsilluta, tamatta eqqumiitsulianik piorsarsimassutsikkullu iliuutsinik ineriartuutaasunik pisinnaanngorluta. Immaqa Naalackersuisut siunnersuisussamik ataatsimiititaliortariaqaralarput piviusunik piviusunngortinneqarsinnaasunillu siunnersuuteqartussamik, qanoq ililluta politikikkut ikiuisinnaanersugut qanorlu ikiuissanersugut.

Tassalu Demokraatit oqallinnermut isummersuutigigallagaat.